



Broj: 05-50-1-1361-2/18
Sarajevo, 25. 6. 2018. godine

PARLAMENTARNA SKUPŠTINA BiH

- Zastupnički dom -

SARAJEVO

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO


PRIMLJENO 27-06-2018			
Organizaciona jedinica	Klasifikaciona oznaka	Redni broj	Broj priloga
01-	SD-1-	15-61	18

PREDMET: Odgovor na zastupnička pitanja, *dostavlja se*

Vijeće ministara Bosne i Hercegovine, na 147. sjednici održanoj 25. 6. 2018. godine, utvrdilo je Odgovor na zastupnička pitanja koja je postavio Damir Arnaut, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,





Broj: DS-50-1-1361/18

Sarajevo: 25.6.2018. godine

Damir Arnaut, poslanik u Predstavničkom domu Parlamentarne skupštine Bosne i Hercegovine, postavio je 15. 5. 2018. godine sljedeće poslaničko pitanje:

- „1. Molim da mi dostavite listu članova Vijeća Regulatorne agencije za komunikacije BiH (RAK), sa tabelarno poredanim datumima imenovanja, periodom trajanja mandata, te datumom isteka mandata*
- 2. Kada će biti pokrenuta procedura izbora novih članova Vijeća RAK-a u onim slučajevima u kojim je mandat trenutnim članovima istekao?*
- 3. Zašto među sedam članova Vijeća RAK-a trenutno nema niti jedne članice ženskog spola?*
- 4. Koliko osoba ženskog spola je Vijeće ministara BiH predložilo prilikom imenovanja trenutnog saziva Vijeća RAK-a?*
- 5. Da li će se prilikom provođenja procesa predlaganja (prema člamu 39. Zakona, Vijeće ministara predlaže kandidate) novih članova Vijeća RAK-a poštivati jasna odredba člana 36.(4) Zakona o komunikacijama koji propisuje: „Pri izboru i imenovanju članova Vijeća Agencije promovirat će se ravnopravna zastupljenost oba spola“, te također jasna odredba člana 39.(2) Zakona koja se odnosi na isto pitanje?“*

Na postavljeno pitanje, Vijeće ministara Bosne i Hercegovine je na 147 sjednici, (broj) održanoj 25.6.2018. godine, utvrdilo sljedeći (datum sjednice)

ODGOVOR

1. Predstavnički dom Parlamentarne skupštine Bosne i Hercegovine je na 56. sjednici, održanoj 5. 11. 2013. godine, a Dom naroda Parlamentarne skupštine Bosne i Hercegovine na 34. sjednici, održanoj 16. 12. 2013. godine, na prijedlog Vijeća ministara Bosne i Hercegovine (Rješenje o utvrđivanju prijedloga za imenovanje članova Vijeća Regulatorne agencije za komunikacije Bosne i Hercegovine, VM broj 229/13 od 23. 10. 2013. godine) imenovao Zorana Tomića, Ninu Ćorića, Ljubu Božovića, Miloša Šolaju, Plamenka Čustovića, Mirzu Milišića i Faruka Borića za članove Vijeća Regulatorne agencije za komunikacije Bosne i Hercegovine (dalje u tekstu: Vijeće Agencije).

U narednoj tabeli je dat pregled datuma imenovanja, perioda trajanja mandata i datuma isteka mandata članova Vijeća Agencije.

Ime i prezime člana Vijeća Agencije	Datum imenovanja	Period trajanja mandata	Datum isteka mandata
Plamenko Čustović	16. 12. 2013.	4 godine	16. 12. 2017.
Prof. dr. Zoran Tomić	16. 12. 2013.	4 godine	16. 12. 2017.
Miloš Šolaja	16. 12. 2013.	4 godine	16. 12. 2017.
Ljubo Božović	16. 12. 2013.	4 godine	16. 12. 2017.
Faruk Borić	16. 12. 2013.	4 godine	16. 12. 2017.
Nino Čorić	16. 12. 2013.	4 godine	16. 12. 2017.
Mirza Milišić	16. 12. 2013.	4 godine	16. 12. 2017.

2. U skladu sa članom 39. stav 4. Zakona o komunikacijama, Ministarstvo komunikacija i prometa Bosne i Hercegovine je 12. 2. 2018. godine pokrenulo formiranje ad hoc komisije za provođenje postupka imenovanja Vijeća Agencije (dalje u tekstu: ad hoc komisija). Zatraženo je od Kolegija Doma naroda i Kolegija Predstavničkog doma Parlamentarne skupštine Bosne i Hercegovine da dostave prijedlog članova ad hoc komisije (po jedan predstavnik iz vladinog sektora), kao i od Ministarstva saobraćaja i veza Republike Srpske i Federalnog ministarstva prometa i komunikacija (po dva predstavnika iz nevladinog sektora).

Ministarstvo saobraćaja i veza Republike Srpske (akt broj 13.05./052-324/18 od 27. 2. 2018. godine) dostavilo je prijedlog članova ad hoc komisije:

Vlado Lesijak, Savez radioamatera Republike Srpske

Zoran Sovilj, Udruženje lokalnih radiostanica Republike Srpske

Kolegij Doma naroda Parlamentarne skupštine Bosne i Hercegovine (akt broj 02-50-7-17-61,13/18 od 21. 3. 2018. godine) dostavio je prijedlog člana ad hoc komisije:

Darko Babalj

Kolegij Predstavničkog doma Parlamentarne skupštine Bosne i Hercegovine (akt broj 01-50-2-13-67/18 od 16. 5. 2018. godine) dostavilo je prijedlog člana ad hoc komisije:

Borjana Krišto

Federalno ministarstvo prometa i komunikacija i pored urgencija još uvijek nije dostavilo traženi prijedlog, tako da Ministarstvo komunikacija i prometa Bosne i Hercegovine ne može pripremiti i dostaviti Vijeću ministara Bosne i Hercegovine Nacrt odluke o imenovanju ad hoc komisije.

3. Na pitanje pod rednim brojem 3. ne možemo dati odgovor jer Ministarstvo komunikacija i prometa Bosne i Hercegovine nije predlagatelj za imenovanje članova

Vijeća Agencije već je to Vijeće ministara Bosne i Hercegovine. Napominjemo da je procedura imenovanja članova Vijeća Agencije provedena u periodu prethodnog saziva Vijeća ministara Bosne i Hercegovine koje je dostavilo Parlamentarnoj skupštini Bosne i Hercegovine prijedlog za imenovanje članova Vijeća Agencije (akt broj 05-07-3-2644 - I/13 od 30. 10. 2013. godine sa prilogom Rješenje o utvrđivanju prijedloga za imenovanje članova Vijeća Regulatorne agencije za komunikacije Bosne i Hercegovine, VM broj 229/13 od 23. 10. 2013. godine).

4. Ad hoc komisija je nakon provedene procedure utvrdila listu od 14 najuspješnijih kandidata i dostavila je Vijeću ministara Bosne i Hercegovine. Na listi najuspješnijih kandidata bila je i jedna osoba ženskog spola.

Na osnovu liste od 14 najuspješnijih kandidata Vijeće ministara Bosne i Hercegovine je Parlamentarnoj skupštini Bosne i Hercegovine dostavilo prijedlog sedam članova Vijeća Agencije, koji nije sadržavao ni jednu osobu ženskog spola.

5. Izbor članova Vijeća Agencije propisan je članom 39. Zakona o komunikacijama („Službeni glasnik BiH“, br. 31/03, 75/06, 32/10 i 98/12). U skladu s članom 39. stav 9. Zakona o komunikacijama, Vijeće ministara Bosne i Hercegovine, prilikom utvrđivanja prijedloga imenovanja, te Parlamentarna skupština Bosne i Hercegovine, prilikom imenovanja članova Vijeća Agencije, dužni su voditi računa o nacionalnoj i spolnoj zastupljenosti kandidata za imenovanje članova Vijeća Agencije, posebno imajući u vidu član 36. stav 4. Zakona o komunikacijama koji glasi: „Pri izboru i imenovanju članova Vijeća Agencije promovirat će se ravnopravna zastupljenost oba spola, te će procenat učešća spolova u organima Agencije, u pravilu, odražavati ravnopravnu zastupljenost spolova“.